

**D<sup>a</sup> ROSA ANA PRADA QUEIPO, SECRETARIA DO CONCELLO DE AMES NA PROVINCIA DA CORUÑA**

**CERTIFICO:** QUE O PLENO DESTE CONCELLO LEVOU A CABO SESIÓN ORDINARIA O 23 DE FEBREIRO DE 2012, DESA REUNIÓN REDACTOUSE A CORRESPONDENTE ACTA QUE É DO TEOR LITERAL SEGUINTE.

**ACTA DA SESIÓN ORDINARIA LEVADA A CABO POLO PLENO DO CONCELLO O DÍA 23 DE FEBREIRO DE 2012.-**

No Salón de Sesi3ns da Casa do Concello de Ames, 3s vinte horas (20:00) do d3a 23 de febreiro de 2012, re3nese o Pleno do Concello en sesi3n ordinaria de primeira convocatoria, baixo a presidencia do Sr. alcalde don **Santiago V. Amor Barreiro** e coa asistencia dos/as se3ores/as concelleiros/as seguintes:

Grupo municipal Popular	Grupo municipal Socialista	Grupo municipal do BNG
M <sup>a</sup> Dolores Fern3ndez 3lvarez	Patricia Conde Lois	Mar3a Pilar Candocia Pita
Manuel Ferreiro Santiago	Carmen Fraga Crespo	Xos3 Anxo Doval Rey
Ram3n Garc3a Argibay	Jos3 Francisco Doval Gal3n	Susana Mallo Redondo
Mar3a Gonz3lez G3mez	Isabel Gonz3lez Cancela	
M <sup>a</sup> Eugenia Mart3n Vicente	Jos3 Manuel Mi3ones Conde	
Emilio Mart3nez Carballeira	Jos3 Pazos Balsa	
Bernardo Moar M3guez		
Alfonso Rey L3pez		
Alfredo Taboada Alvelo		
M <sup>a</sup> Carmen Verde Lebor3ns		

Non asiste pero xustifica a s3a ausencia a concelleira do grupo municipal do BNG dona **Olalla Alvite del R3o**.

Asiste o se3or **interventor** don Jos3 Antonio Rueda de Valenzuela.

Act3a como **secretaria** a titular da Corporaci3n dona Rosa-Ana Prada Queipo.

**ORDE DO D3A:**

**Punto Primeiro.- Toma de posesi3n do concelleiro electo don Jos3 Pazos Balsa.**

Informa o se3or alcalde don **Santiago V. Amor Barreiro** que conforme ao informe de secretar3a xeral que figura no expediente, unha vez que o pleno da corporaci3n, o 26 de xaneiro de 2012, tomou co3ecemento da renuncia anticipada ao cargo de concelleiro de don **Leonardo Pena Couceiro**, se solicitou da Xunta Electoral Central a expedici3n da credencial a favor do seguinte candidato da lista, que 3 don **Jos3 Pazos Balsa**.

A continuaci3n, previo cumprimento das formalidades legais, toma posesi3n do cargo de concelleiro don **Jos3 Pazos Balsa**.

Rematado o acto formal de toma de posesi3n o novo concelleiro toma asento entre os seus compa3eiros de corporaci3n e a continuaci3n todos os presentes, postos en

pe, réndenlle un aplauso.

O señor alcalde don **Santiago V. Amor Barreiro** dálle a benvida ao novo concelleiro en nome do goberno municipal, desexándolle que a súa estancia na corporación lle resulte produtiva.

#### **A) PARA DAR CONTA:**

##### **Punto Segundo.- Dar conta ao Pleno da Corporación dos decretos ditados pola Alcaldía dende a última sesión plenaria ordinaria.**

O señor alcalde don **Santiago V. Amor Barreiro** informa á Corporación que os decretos ditados pola Alcaldía dende a última sesión plenaria ordinaria estiveron a disposición de todas/os as/os concelleiras/os na Secretaría Xeral, engadindo que o acceso aos decretos é libre para todas/os as/os concelleiras/os en calquera momento na Secretaría Xeral do Concello, e que con ocasión da convocatoria dos plenos ordinarios o que teñen a súa disposición é o libro oficial, en papel timbrado e numerado, ademais dos duplicados existentes nos distintos departamentos do Concello.

#### **B) PARA DELIBERACIÓN E ACORDO:**

##### **Punto Terceiro.- Aprobación se procede da acta anterior.**

O señor alcalde don **Santiago V. Amor Barreiro** somete a consideración da corporación a acta correspondente á sesión de 26 de xaneiro de 2012.

Non se producen intervencións.

Sometida a votación o pleno da corporación por unanimidade dos seus membros presentes presta aprobación á acta correspondente á sesión ordinaria de 26 de xaneiro de 2012.

##### **Punto Cuarto.- Aprobación do recoñecemento extraxudicial de crédito 1/2012.**

O señor alcalde don **Santiago V. Amor Barreiro** informa substancialmente do asunto que se somete a aprobación.

Rematadas as intervencións o Pleno da corporación por unanimidade dos seus membros presentes, adoptou os seguintes acordos:

**Primeiro.-** Levantar os efectos suspensivos do reparo de legalidade formulado pola intervención municipal no seu informe 10/2012.

**Segundo.-** Aprobar o Recoñecemento extraxudicial de crédito plenario 1/2012, que importa un total de 8.406,56 €, de acordo co detalle que figura no Anexo I deste acordo.

**Terceiro.-** Facultar ao alcalde don Santiago V. Amor Barreiro para cantas actuacións de trámite sexan precisas para a mellor execución do acordado.

#### **ANEXO I**

##### **Estado de tramitación**

Saneamento canon exercicio 2005	1.741,54 €	Pendente de aprobación
Saneamento canon exercicio 2007	3.685,58 €	Pendente de aprobación
Saneamento canon exercicio 2008	2.979,44 €	Pendente de aprobación
Total liquidacións	8.406,56€	

**Punto Quinto.- Inicio de expediente para elección de xuíz/a de paz titular.**

O señor alcalde don **Santiago V. Amor Barreiro** informa substancialmente á corporación que en exercicio das competencias previstas na lexislación vixente corresponde ao pleno iniciar o expediente para elixir xuíz/a de paz titular do concello de Ames.

Rematadas as intervencións o pleno da corporación, por unanimidade dos seus membros presentes, adoptou os seguintes acordos:

**Primeiro.-** Iniciar expediente para elección do xuíz/a de paz titular do Concello de Ames

**Segundo.-** Prestar aprobación ás bases que a continuación se transcriben, acordando a súa exposición pública:

1. Obxecto da convocatoria: Elección de xuíz/a de paz titular do Concello de Ames.
2. Prazo de presentación de solicitudes: Quince días hábiles contados a partir da publicación do anuncio no Boletín Oficial da Provincia. Tamén se publicará nos xornais El Correo Gallego e La Voz de Galicia, no taboleiro de anuncios e na páxina web.
3. Requisitos dos solicitantes:
  - a) Ser español/a.
  - b) Ter dezoito anos de idade.
  - c) Non ter acadada a idade de xubilación na carreira xudicial.
  - d) Declaración xurada de non estar incapacitado/a para o exercicio da carreira xudicial.
  - e) Declaración xurada de non estar incurso/a en causa de incompatibilidade e no suposto de estar incurso/a, coa excepción de actividades profesionais e mercantís, compromiso de optar polo posto de xuíz/a de paz /a titular do Concello de Ames.
4. Documentación: As solicitudes dirixiranse ao alcalde presidente do Concello e estarán acompañadas da seguinte documentación, que terá carácter de orixinal ou copia compulsada:
  - DNI.
  - Partida de nacemento.
  - Certificado do Rexistro Central de penados e rebeldes.
  - Declaracións xuradas ás que se fai referencia no punto anterior.
  - Relación e documentación acreditativa dos méritos alegados.

**Terceiro.-** Facultar ao alcalde don Santiago V. Amor Barreiro para cantas actuacións de trámites sexan precisas para a mellor execución do acordado.

**Punto Sexto.- Aprobación do Regulamento do rexistro municipal de asociacións do concello de Ames.**

O señor alcalde don **Santiago V. Amor Barreiro** cede a palabra á concelleira delegada de Asociacionismo, Igualdade, Muller e Xuventude dona **María González**

**Goméz**, a cal, substancialmente, informa do asunto que se somete a aprobación.

*O concelleiro do grupo municipal do BNG don **Xosé Anxo Doval Rey** realiza unha intervención para solicitar engadir un punto mais (h) ao final do artigo 5, que é aceptado pola señora secretaria, sendo dita modificación a seguinte: h) Domicilio e correo electrónico da Directiva.*

(.....)

Rematadas as intervencións o pleno da corporación por unanimidade dos seus membros presentes adoptou os seguintes acordos:

**Primeiro.-** Aprobar inicialmente o Regulamento do rexistro municipal de asociacións do Concello de Ames, cuxo texto figura como anexo I deste acordo.

**Segundo.-** Someter dito acordo a exposición pública por prazo de 30 días hábiles mediante anuncio no B.O.P. e páxina Web municipal. De non presentarse reclamacións durante o prazo de exposición pública o acordo de aprobación inicial quedará elevado a definitivo de xeito automático.

**Terceiro.-** Facultar ao alcalde don Santiago V. Amor Barreiro para cantas actuacións de trámite sexan precisas para a mellor execución do acordado.

#### ANEXO I

### **Regulamento do Rexistro Municipal de Asociacións do Concello de Ames**

#### **Capítulo I.**

##### **Disposicións xerais / Obxecto e natureza.**

##### **Artigo 1. Finalidade do Rexistro**

- O presente Regulamento ten por finalidade regular o Rexistro Municipal de Asociacións do Concello de Ames, co obxecto de permitir coñecer o número de entidades asociativas existentes no municipio, os seus fins e a súa representatividade, ós efectos de posibilitar unha correcta política municipal de fomento do asociacionismo e da participación nos asuntos municipais.

##### **Artigo 2. Requisitos previos á Inscripción.**

- A inscrición no Rexistro Municipal de Asociacións do Concello de Ames realizarase sen prexuízo da que obrigatoriamente corresponda efectuar, nos termos previstos na Lei orgánica 1/2002, de 22 de marzo, reguladora do dereito de asociación e no Decreto 276/1997, de 25 de setembro, no Rexistro Xeral de Asociacións e no Rexistro Central de Asociacións da Comunidade Autónoma Galega.

##### **Artigo 3. Entidades inscribíbles.**

- Poderán obter a inscrición no Rexistro Municipal de Asociacións, todas aquelas Asociacións de interese social sen ánimo de lucro, cuxo obxecto sexa a defensa, fomento ou mellora dos intereses xerais ou sectoriais (de ámbito municipal) que teñan a súa sede en Ames e exerzan a súa actividade no ámbito xeográfico do Concello, nos termos previstos na Lei orgánica 1/2002, de 22 de marzo, reguladora do dereito de asociación.
- As Federacións de asociacións inscribíranse no Rexistro Municipal na mesma extensión e termos que as restantes asociacións.

#### **Capítulo II.**

##### **Da inscrición e formalidades do Rexistro.**

#### **Artigo 4. Custodia do Rexistro**

- O Rexistro Municipal de Asociacións do Concello de Ames custodiarase na Secretaría Xeral do Concello.
- O Rexistro Municipal de Asociacións é público e a publicidade farase efectiva mediante certificación do contido dos asentos, por nota simple informativa ou por copia dos asentos.

#### **Artigo 5. Solicitude de inscrición.**

- As inscricións realizaranse polas asociacións interesadas, a través do/s seu/s representante/es que terán que aportar os seguintes datos:
  - a) Finalidade da Asociación.
  - b) Data de constitución.
  - c) Estatutos da Asociación (orixinal e copia para o seu cotexo).
  - d) Número de inscrición no Rexistro Xeral de Asociacións e noutros rexistros públicos (orixinal e copia para o seu cotexo), de ser o caso.
  - e) Orzamentos do ano en curso e programa de actividades para o mesmo.
  - f) Certificación orixinal do número de socios.
  - g) Código de identificación fiscal.
  - h) Domicilio e correo electrónico da Directiva.

#### **Artigo 6. Inscrición.**

- No prazo de tres meses desde a solicitude de inscrición, e salvo que esta tivera que interromperse pola necesidade de aportar documentación non incluída inicialmente, o Sr Alcalde-Presidente do Concello de Ames ditará resolución para a inscrición da entidade asociativa no Rexistro Municipal de Asociacións, coa asignación do número de inscrición que lle corresponda. Dita resolución será notificada á entidade interesada.
- A inscrición no Rexistro Municipal de Asociacións do Concello de Ames poderá denegarse nos supostos establecidos na Lei Orgánica 1/2002, de 22 de marzo, reguladora do dereito de asociación.

### **Capítulo III.**

#### **Efectos da Inscrición.**

#### **Artigo 7. Obrigas.**

- Nos sucesivos anos ó da súa inscrición no Rexistro Municipal de Asociacións, as entidades inscritas deberán comunicar ós órganos municipais competentes a variación ou modificación dos datos sinalados no artigo anterior no prazo máximo de dous meses a contar dende a variación ou modificación.
- Aquelas asociacións que non concorran ás convocatorias de subvencións, ou non teñan asinado ningún convenio co Concello, presentarán un orzamento e

un plan de actividades anual. Quen non o fagan en dúas anualidades consecutivas causarán baixa no rexistro.

#### **Artigo 8. Dereitos.**

- As asociacións inscritas no Rexistro Municipal de Asociacións terán, nos termos establecidos na lexislación específica e no presente regulamento, os seguintes dereitos:
  - A recibir axudas económicas sempre que o permitan os recursos orzamentarios do Concello.
  - A empregar os medios públicos municipais, especialmente os locais e medios de comunicación, sendo responsables do trato dado ás instalacións. O uso dos medios públicos municipais deberá ser solicitado por escrito ó Concello, como mínimo con dúas semanas de antelación e obter a autorización expresa do Concello.
  - Dereito a ser informadas dos asuntos e iniciativas municipais que poidan ser do seu interese.
  - Ase mesmo, o Concello de Ames poderá subscribir Convenios de Colaboración coas Asociacións debidamente inscritas no Rexistro Municipal de Asociacións para o cumprimento de intereses xerais ou sectoriais.

#### **Disposición final.-**

Este regulamento, tras a súa aprobación definitiva entrará en vigor, unha vez publicado integramente o seu texto no Boletín Oficial da Provincia e transcorra o prazo previsto no artigo 65.2 da Lei 7/1985, de 2 de abril, reguladora da bases de réxime local.

#### **C) PARA CONTROL DO GOBERNO:**

##### **Punto Sétimo.- Moción do grupo municipal socialista (nº de rexistro de entrada 1841, de 13 de febreiro de 2012).**

O señor alcalde don **Santiago V. Amor Barreiro** cede a palabra ao representante do grupo propoñente da moción, clarexando que o texto orixinal da mesma foi modificado tras o consenso dos tres grupos municipais.

Intervén o concelleiro do grupo municipal socialista don **José Francisco Doval Galán**, que procede a dar lectura á exposición de motivos e aos acordos acadados froito das conversas entre os tres grupos municipais.

O señor alcalde don **Santiago V. Amor Barreiro** abre unha primeira quenda de intervencións, intervindo a concelleira do grupo municipal do BNG dona **Susana Mallo Redondo**, para dicir: Antes de nada me gustaría aproveitar a ocasión para darlle a benvida ao novo concelleiro José Pazos Balsa e desexarlle un traballo proveitoso nesta corporación. Dito isto e en nome do meu grupo quero incidir na nosa achega a esta moción. Cando no seu momento a Asociación de escritores en lingua galega chamou á porta de todos os concellos galegos e os seus grupos políticos para que reaccionáramos ante a falta de recoñecemento a unha figura tan insigne e á que tan pouca xustiza se lle fixo como muller, como literata, como escritora, como persoeiro galego, a nós pareceunos por suposto que este grupo municipal tiña que secundar esa proposta e incluso ir mais alá, porque a escritora ten relación co concello de Ames por cuestións biográficas. A relación literaria está destacada na obra e na vida de Rosalía de Castro, e nós debíamos devolverlle algo a estas alturas.

Nesa medida todas as nosas achegas a este documento pasaron por tentar que

estruturalmente este concello se implique dende todos os ámbitos, na conmemoración dende a visión económica á turística pasando pola deportiva e a cultural, e que tamén funcione como motor alentador de entidades veciñais, que as hai, que levan o propio nome de Rosalía. Esa foi a nosa intención, enriquecer este documento dando opcións interesantes para o concello e sobre todo de xustiza para a figura de Rosalía de Castro. Conclúo dicindo simplemente que é para nós unha satisfacción a facilidade con que este texto se puido facer de xeito colectivo.

Intervén o concelleiro delegado de Cultura, Educación e Patrimonio don **Alfonso Rey López** para dicir: En primeiro lugar quero felicitar ao novo concelleiro do grupo socialista. Ao respecto da moción quero incidir no que acaba de dicir a compañeira Susana Mallo de que efectivamente os tres grupos municipais chegamos a un consenso creo que con certa facilidade. Soamente quero engadir que a conclusión final foi que habería unha redacción, que é a que nos acaba de ler Francisco Doval, e eu quero presentar aquí unhas cuestións única e exclusivamente no que respecta á redacción, aínda que sei que a culpa foi miña por non telo falado previamente con vós. No punto primeiro, na reunión que mantivemos na comisión informativa eu o que quería era que quedase claro que nós non queríamos que iso fose soamente algo de Ames, aínda que fose especificamente para Ames, senón para toda Galicia, entón a redacción que aparece *Declarar o 24 de febreiro día de Rosalía no noso concello e en Galicia*, non sei se se entende ben así, se se entende eu non teño inconveniente ningún, eu o que pedía era que quedase claro que en Ames solicitábamos que se declarase o 24 de febreiro día de Rosalía de Castro para toda a Comunidade Autónoma, para todo o país. Se iso queda claro nesa redacción a min paréceme correcto.

Con respecto ao que dicía dona Susana Mallo de que presentaron na comisión informativa unha serie de opinións, me parecía totalmente correcta a exposición, o único que me plantexaba eu era que, dende a miña perspectiva, ao mellor nos metíamos demasiado na acción que puideran levar a cabo os técnicos que organizasen esa efeméride e que ao mellor deberíamos deixarles mais liberdade para funcionar e facer o que lles parecese ben, ou propoñer, o que lles parecese ben facer cada ano. Eu dixen que tiña plena confianza nos técnicos, e creo que os demais tamén a tedes. Eu facía esa suxerencia única e exclusivamente por iso, por deixarles unha maior liberdade á hora de eles conformar iso, polo demais eu manifestei totalmente de acordo porque me parecía totalmente correcto. Só aclaro isto porque quero que quede claro que queremos que sexa para toda Galicia, e logo, que se fagan actividades que incluso poden implicar a varias concellarías. Creo que se falou diso tamén. Completamente de acordo coa cuestión, facer esas aclaracións e nada mais.

O señor alcalde don **Santiago V. Amor Barreiro** abre unha segunda quenda de intervencións, intervindo a concelleira do grupo municipal do BNG dona **Susana Mallo Redondo**, a cal di: Eu pouco mais podo dicir. No caso da redacción é tan fácil como adoptar a fórmula que adoptan moitas mocións, que en vez de poñer no noso concello e en Galicia poñer no noso concello e instar á Xunta de Galicia que o promovan o resto dos concellos, para que así quedase mais claro. Non está nada mal que nós sexamos promotores, como pedimos en moitas ocasións, para que a Xunta de Galicia inste aos resto dos concellos, se preferides esa redacción, non hai problema.

Intervén o concelleiro delegado de Cultura, Educación e Patrimonio don **Alfonso Rey López** para dicir: Eu non teño inconveniente, o que dixen foi por explicar cá era a postura nosa. O que quero que quede claro é que queremos que se celebre en toda Galicia.

Continúa a señora **Susana Mallo**: Con respecto ao último comentario, xa se dixo na comisión informativa, coido que se en algo hai unanimidade neste concello é no respecto e na altísima valoración do traballo dos técnicos e técnicas de todas as áreas, porque agora falamos especificamente de Cultura, creo que é sorte ter a estes profesionais traballando para nós, o que non é incompatible en absoluto con que as liñas as marque o goberno, creo que é o que debe facer.

Intervén o concelleiro do grupo municipal socialista don **José Francisco Doval Galán**, o cal di: Quero resaltar que a partires do momento en que presentamos esta moción, o día 13 de febreiro, resultou moi grato para o noso grupo municipal a colaboración dos outros grupos, aceptamos moi ben todas as aportacións que xurdiron, todas moi positivas. Queremos agradecer a súa colaboración e nos congratulamos de que isto saia adiante por unanimidade. O texto quedou enriquecido con respecto á proposta inicial, que era bastante aberta, porque hai unha gama ampla de posibilidades, o que non quere dicir que se leven todas ao mesmo tempo, son temas a desenvolver. Moitas grazas.

Intervén o concelleiro delegado de Cultura, Educación e Patrimonio don **Alfonso Rey López** para dicir: Quero insistir no que acaba de dicir Francisco Doval, porque efectivamente foi moi fácil chegar a acordos, eu estou totalmente de acordo co que expón a compañeira Susana Mallo, e creo ademais que efectivamente a responsabilidade ao final é política. Ao que eu me refiro cando digo que hai que dar confianza a quen organice, evidentemente a decisión final a toma o político, que é quen acepta ou non as propostas, é que non quixera que ninguén se vira coaccionado para nada nas súas propostas. Creo que non se van ver coaccionados para nada, o creo, plantexei na comisión esa situación, e, igual que vostedes, teño plena confianza nos técnicos. Na comisión tamén falamos de que este 24 de febreiro, que é mañá, non había posibilidade de celebrar este ano nada, e se nos ocorreu esta tarde traer mañá as obras de Rosalía e que cada un lese algún texto que lle parecese oportuno, para que este ano se celebre ese día de Rosalía da mellor maneira posible, para o ano que ven celebralo plenamente.

Toma a palabra o señor alcalde don **Santiago V. Amor Barreiro** para dicir: Abondando no dito polo compañeiro Alfonso Rey, foi fácil chegar a un consenso porque entendemos que é importante que Rosalía, a nosa poetisa, non se esqueza. Esta mesma preocupación que agora estamos tratando no pleno lla trasladei á presidenta da Fundación Rosalía de Castro publicamente, creo que incluso había algunha compañeira do BNG nesa reunión, e penso que quedou claro que independente de todos os avatares que está sufrindo a Fundación a nivel económico, quedou claro o compromiso de colaboración ate onde podamos chegar, e nesa reunión falamos xa de iniciativas que podamos desenvolver dende o concello coa Fundación. O concelleiro Alfonso Rey está en plena sintonía co asunto que foi presentado a través desta moción, e non se trata de que agora quede isto aprobado e non nos volvamos a lembrar ate o día 24 de febreiro do ano 2013, senón que seguiremos traballando e falando coa Fundación Rosalía de Castro.

Rematadas as intervencións o pleno da corporación por unanimidade dos seus membros presentes presta aprobación á moción do grupo municipal socialista (nº de rexistro de entrada 1841, de 13 de febreiro de 2012), coas modificacións introducidas por consenso dos tres grupos municipais, sendo o seu texto o seguinte:

*Rosalía de Castro é a escritora máis representativa da lingua e da literatura galegas. A*



*publicación do seu libro Cantares Galegos, o primeiro escrito integramente no noso idioma, desde a vontade firme e inequívoca do seu significado, sinala o inicio da restauración do uso escrito do noso idioma e o final de séculos de silencio e esquecemento.*

*A súa obra é un retrato do pobo galego e goza dunha total actualidade. Desde o século XIX Rosalía de Castro foi homenaxeada polas galegas e os galegos como poeta nacional, pois reclamou a redención da patria galega e asumiu a voz do seu pobo, voz que guiou permanentemente a súa obra e o seu pensamento. Esta galegitude intrínseca dos seus textos, esta comunicación e entendemento permanente co seu pobo, ao se dirixir a el no seu idioma propio, foi o que a fixo tamén poeta de todos os pobos, chegando a formar parte da nómina de escritoras máis destacadas da literatura universal de todos os tempos.*

*O Concello de Ames debería ter, por razón relacionadas coa vida e a obra rosalianas, un singular protagonismo na difusión da súa poesía, nomeadamente entre a cidadanía amesá pero tamén debería implicarse na proxeción do patrimonio literario da escritora en Galicia mesmo e fóra dela.*

*Por todos estes motivos a difusión do coñecemento da súa obra é necesaria para as galegas e os galegos, en especial para as xeracións máis novas que colectivamente contribuímos a coeducar, sendo a súa palabra feita poesía ou prosa reflexiva un dos procedementos máis eficaces para fomentar o amor á nosa lingua e comprender a nosa identidade cultural.*

*Por todo isto propoñemos ao Pleno Municipal do Concello de Ames*

- *Declarar o 24 de febreiro Día de Rosalía no noso concello e instar á Xunta de Galicia para que o promovan o resto dos Concellos.*
- *Emprender e apoiar a realización de actividades de promoción da obra da nosa escritora que impliquen ao conxunto dos veciños e veciñas do noso concello o 24 de febreiro, data recollida oficialmente pola Consellería de Cultura no seu Calendario do Libro e da Lectura.*
- *Realizar unha lectura pública da obra rosaliana nun lugar destacado do concello na que o alumnado dos centros escolares e persoas destacadas pola súa actividade cultural teñan o papel protagonista.*
- *Implicar anualmente os centros de ensino municipais, asociacións culturais e veciñais, na conmemoración das efemérides rosalianas con lecturas da súa obra, roteiros, traballo nas aulas sobre unidades didácticas, etc. Todo o estudiantado de Ames debería coñecer os lugares rosalianos da nosa contorna: Ortoño, Bastabales, Padrón...*
- *Organizar roteiros polos lugares rosalianos como eventos turísticos de proxección local pero tamén galega e mesmo vencellalos a outras iniciativas turísticas que organicen os concellos dos nosos arredores (Santiago, Padrón, Brión). Nese senso, promoverase cos devanditos a articulación dunha rede informal de concellos rosalianos cos que desenvolver iniciativas comúns.*
- *Mellorar a sinalética rosaliana, e construír un espazo de referencia rosaliano, non necesariamente monumental pero si simbólico, que fixese visible a*

*vocación rosaliana de Ames.*

- *Sería desexable que o Concello de Ames estivese representado como tal, a nivel institucional, no Padroado da Fundación Rosalía para participar en cantas iniciativas do noso interese esta entidade puidese promover. Iniciar contactos coa Fundación para estudar esta posibilidade.*

Toma a palabra o señor alcalde don **Santiago V. Amor Barreiro** para dicir que existen dúas mocións de urxencia, unha presentada polo grupo municipal socialista e outra presentada polo grupo municipal do BNG, pedindo que se lle faciliten os textos das mesmas. Seguidamente cede a palabra ao grupo municipal socialista para defender a urxencia da súa moción, relacionada coa celebración do día 8 de marzo, día internacional das mulleres.

Intervén a concelleira do grupo municipal socialista dona **Isabel González Cancela** para dicir: Presentamos esta moción pola vía de urxencia para que non nos pase como o ano pasado, que chegue ao pleno de marzo e xa pasou a data. Seguidamente da lectura ao texto da moción.

Sometida a votación a urxencia da moción, é rexeitada co voto a favor dos seis membros do grupo municipal socialista e dos tres membros presentes do grupo municipal do BNG, e a abstención dos once membros do grupo municipal popular:

O señor alcalde don **Santiago V. Amor Barreiro** cede a palabra ao representante do grupo municipal do BNG para defender a urxencia da súa moción, relativa á reforma laboral.

Intervén o concelleiro do grupo municipal do BNG don **Xosé Anxo Doval Rey** para dicir: O Real Decreto-Lei 3/2012, do 10 de febreiro, de medidas urxentes para a reforma do mercado laboral, socava as bases sobre as que se asentaban as relacións laborais, contendo medidas concretas que, xa desde a súa entrada en vigor, limitan os dereitos dos traballadores e traballadoras, tanto no que atinxe aos seus dereitos económicos como á súa capacidade de negociación laboral. Ademais é recoñecido polo propio Goberno do Estado que non vai crear emprego de forma directa, en cambio si vai prexudicar enormemente as condicións laborais dos traballadores. Non vai crearse directamente mais emprego e si todo o contrario, mais paro, e tendo en conta que este decreto é do 10 de febreiro e a data límite para presentar unha moción que se puidera tratar neste pleno era o 13, é o motivo polo que a presentamos pola vía de urxencia, para que o concello de Ames se manifeste a favor da derogación de dita norma e acometa unha mellora das relacións laborais en base ao consenso e negociación cos representantes sindicais, que protexa ás persoas traballadoras fronte á precariedade laboral e inclúa estímulos reais para a xeración de emprego de xeito inmediato. Isto é o que ao noso xeito de ver sería xusto no concello de Ames, que o pleno se pronunciara en contra deste Real Decreto-Lei 3/2012, de 10 de febreiro, de medidas urxentes para a reforma do mercado laboral.

Sometida a votación, a urxencia da moción presentada polo grupo municipal do BNG, resulta ratificada por unanimidade dos membros presentes da corporación municipal.

O señor alcalde don **Santiago V. Amor Barreiro** abre unha primeira quenda de intervencións para o debate da moción, cedendo a palabra ao grupo propoñente da mesma para defender a súa aprobación.

Intervén o concelleiro do grupo municipal do BNG don **Xosé Anxo Doval Rey** para dicir: Como acabamos de manifestar, pretendemos que o pleno deste concello se manifeste en contra do Real Decreto-Lei 3/2012, que de ningún xeito, incluso

recoñecido polo propio Goberno, vai favorecer a creación de emprego dunha forma inmediata, e pola contra si que prexudica as relacións laborais, mesmo poñendo estas en mans dos empresarios, aos que beneficia esta reforma. As negociacións colectivas que se podían facer a nivel de sector agora non se poderán facer, e incluso na mesma administración pública se da pé a reformas que permitan despedimentos. As formas de contratación e indemnizacións por despedimento van volver a épocas que nin sequera recordamos, o que desampara completamente as relacións laborais, por tanto creo que sería xusto que o noso concello se manifestara en contra desta reforma e por tanto a favor da negociación coas organizacións sindicais, dunha reforma que non prexudique as relacións laborais e poida, efectivamente, crear emprego, que é o que todos desexamos.

Intervén a concelleira do grupo municipal socialista dona **Patricia Conde Lois** para dicir: Á vista desta moción de urxencia o grupo municipal socialista postúlase a favor desta moción, dado que evidentemente está en contra desta reforma laboral. Cremos que é un ataque aos dereitos dos traballadores, das persoas. Ataca dereitos que se conseguiron ao longo de toda a democracia e se foron adquirindo ao longo dos anos. Nos parece inxusta e lonxe da expectativa, que é crear emprego, cremos que o que vai facer é xerar mais desemprego, principalmente polo abaratamento do despido. Pensamos que, efectivamente, era necesaria unha reforma, pero unha reforma laboral que tivese uns límites que foran os dereitos dos traballadores, era necesaria unha reforma pero non deste calado. Estamos a favor da moción presentada polo BNG.

Intervén o concelleiro delegado de Persoal, Reforma Administrativa, Servizos e Urbanismo don **Ramón García Argibay** para dicir: Esta moción era previsible, porque dentro do que estamos a vivir neste país en canto ás actuacións mais inmediatas e mais salientables se encadra a reforma laboral. A moción, que trata un tema moi importante e básico para nós, o emprego, consideramos que ten unha parte importante de demagogia, non tanto no contido senón no espírito da moción. Me explico: cando falamos de contido podemos estar a favor parcialmente, en contra parcialmente ou en contra totalmente, pero o espírito é demagórico sobre todo porque os grupos que defenden esta moción, o BNG como propoñente e o partido socialista como grupo que a apoia, levan unha traxectoria recente neste país onde as súas políticas non fixeron mais que crear desemprego e foron contrarias aos traballadores. Son políticas totalmente en contra dos traballadores, porque non hai que olvidar que non hai maior desigualdade que a falla de emprego.

Un tema tan importante, tan básico e tan serio como é o da reforma laboral, como é falar de cinco millóns douscentos mil parados, que pode entenderse como un número, pero detrás hai persoas, hai familias. Que un grupo como o partido socialista, que gobernando durante os últimos oito anos pasou dunha taxa de desemprego deixada polo partido popular que rondaba o 11% e ao cabo dos oito anos estamos nunha taxa que supera o 21%, diga que as políticas aplicadas estaban no bo camiño, é, cando menos, unha ousadía.

Dicir tamén, como se di nesta moción, que a reforma laboral non vai crear emprego é xogar a ser futurólogo, porque agora mesmo non sabemos cal vai ser o resultado desta reforma. Na moción se dan datos que non son exactos, por exemplo no punto onde di *Reduce as indemnizacións por despedimento improcedente case nun terzo, afectando tamén a dereitos consolidados de traballadores e traballadoras contratados*

*hai anos*, non é exacto, na norma que se aprobou por Real Decreto hai un apartado que di que se respectarán os dereitos adquiridos ate a data do decreto, o que quere dicir que todas as persoas que nun futuro teñan un problema, porque é un problema, non hai que chamalo doutra maneira, no seu ámbito laboral e estean suxeitos a un posible despedimento, van ter garantidos 45 días alomenos ate a entrada en vigor do Real Decreto Lei.

Hai outras cousas coas que non estamos para nada de acordo, por exemplo cando se fala da mobilidade xeográfica forzosa, porque *de facto* xa hai mobilidade xeográfica forzosa, é unha realidade que se está aplicando xa dende hai moito tempo. Tampouco estamos de acordo co punto onde di *Desampara ás persoas traballadoras no caso dos despedimentos colectivos, ao eliminar o control da administración laboral na aprobación dos expedientes de regulación de emprego, obrigando a acudir a un control xudicial, tamén máis limitado*. Isto, que se pode interpretar como que agora mesmo unha empresa pode facer un ERE e antes o tiña que consultar coa Administración competente, se ben é certo, non é menos certo que iso estaba provocando ás veces gravísimas consecuencias, porque unha vez que a Administración autorizaba ou non ese ERE, o que se producía era o desastre total nesa empresa porque non podía facer fronte, co cal non só se ían á rúa os traballadores sometidos a ese ERE, que incluso podería ser temporal e non definitivo, senón que afectaba a toda empresa provocando que pechara as súas portas e se foran todos os traballadores á rúa, incluso aqueles que probablemente non se foran ou aqueles que puideran estar suxeitos a un ERE temporal. Por tanto estamos radicalmente en contra deste punto, porque, lonxe de ser un empeoramento das condicións, ao ter a tutela legal se están garantindo os dereitos mínimos, e que un ERE, de producirse, se produza de forma inmediata, que se poda chegar a un acordo, porque si hai negociación, non se suprime, e provoca axilidade. Noutros casos era peor o remedio que a enfermidade.

En canto ao punto que di *Crea un contrato indefinido específico, denominado “de apoio aos emprendedores”, mais aplicable ao 99 por 100 da empresas en Galicia, que permite o despedimento libre e gratis total durante o primeiro ano*, é ao que se chama no Real Decreto período de proba, e nós consideramos que é unha medida que pode aportar moitísimo tanto ás empresas como aos traballadores. O razoamento é moi sinxelo: o período de formación e o período de proba ía antes moitas veces en función da categoría, da cualificación dos traballadores, e podía estenderse no tempo. É certo que con esta reforma se amplía o período de proba, é indubidable, pero o que tamén é certo é que permite, tanto ao traballador como á empresa, un período mais longo de aprendizaxe e coñecemento, tanto dun lado como doutro. Creemos que non é unha medida que vaia cara atrás nin moito menos, senón que é unha medida na que se pode sustentar a relación laboral tanto do traballador como da empresa, onde o traballador terá que demostrar a súa valía e a empresa terá que demostrar a súa dispoñibilidade para a formación. Consideramos que para nada é un paso atrás

O último punto di *Racha co sistema de negociación colectiva sectorial e territorial, que beneficiaba ao colectivo de traballadores e traballadoras que desenvolven a súa profesión en actividades análogas ao homologar as condicións e traballo con independencia da empresa concreta onde traballan, deixando en mans da dirección empresarial a devaluación das condicións de traballo reguladas nos convenios de ámbito supraempresarial*, e eu non sei moi ben o que quere dicir este parágrafo, é moi “rimbonbante”, pero a realidade é que en canto a negociación colectiva se producen avances. Supón un avance nunha empresa onde un convenio está vencido en mais de dous anos e por tanto xa non é obrigatorio. Iso ten a súa lóxica, nunha empresa cando se negocia un convenio colectivo, non pode estar supeditado unicamente á vontade dunha das partes, por tanto, se en dous anos non son capaces de poñerse

de acordo e levar a cabo un convenio colectivo, é razoable que o empresario teña a dispoñibilidade de efectuar algúns cambios nas condicións de traballo, porque do contrario se pode producir un bloqueo ¿por que dicimos isto? porque non hai mais que remitirse ás políticas de Zapatero dos últimos anos. Foi o único goberno na historia da democracia en reducir o salario aos funcionarios. Ese si é un apartado importante e que hai que ter en conta, porque ademais se aplicou un baremo de redución salarial que prexudicaba exactamente igual aos funcionarios “mileuristas” como aos que non o eran, ese é un retroceso.

É curioso que agora estean vostedes en contra dunha medida en que no momento en que hai un bloqueo na negociación colectiva, onde hai unha situación de caducidade de dous anos, non estamos falando de meses, critican a medida cando non son quen de poñeres de acordo a parte social e a empresarial. Penso que isto, lonxe de ser unha situación que se poda considerar como de retroceso é todo o contrario, produce un avance ¿por que? porque todos vemos en familiares e amigos por desgracia a diario o que sabemos que se está aplicando, unha redución -a min gústame chamarlle redución, porque as palabras hai que utilizalas como hai que utilizalas- salarial, outros lle chaman axustes, e a min me gusta chamarlle redución, unha redución salarial que ademais está recomendada por moitos “gurús”, que habería que saber se son gurús ou non.

Por tanto é querer pechar os ollos a unha realidade existente, é querer meter a cabeza como o avestruz no burato. Con esta reforma laboral se fai todo o contrario, se botou un vistazo ao que estaba pasando na rúa e se dixo: isto está sucedendo así e ímolo regular. Lles damos a opción aos empresarios e aos traballadores, á parte social, de poñerse de acordo nun suposto caso dunha negociación colectiva que leva enquistada dende hai moito tempo. Nos parece unha medida que non é para nada desacertada.

Hai que ter en conta tamén que esta moción fai referencia a que se rompe a base, o consenso de negociación cos representantes sindicais. É unha forma de velo. A min como me gusta falar claro, creo que isto non é romper negociacións cos representantes sindicais nin moitísimo menos. O que non pode ser é estar un país como España, nun proceso de negociación constante e continua, perdendo tempo e diñeiro, sobre todo tempo, porque o tempo neste caso se paga a prezo de ouro, e non chegar a ningún acordo. Todos recordamos ao fenomenal presidente Zapatero e as súas negociacións eternas cos sindicatos, que tampouco facían nada do outro mundo e se enquistaban, non facían nada por chegar a acordo e se poñían nunha situación inamovible e ao final pasou o que pasou. España ía pasar por riba de Francia e Italia, etc., todo iso o sabemos e ao final o resultado do goberno socialista foi que pasamos dun case 11% de parados a un 22%, duplicamos e case triplicamos a media da Comunidade Europea. O outro día saíron os datos de que Portugal, España e Grecia superan o 90% de paro de toda Europa. Eses son os resultados desas magníficas políticas aplicadas e que vostedes pretenden defender nesta moción. Outra cousa que hai que ter en conta é que aínda que está aprobada a reforma laboral por decreto está en fase de tramitación parlamentaria, onde quizais nalgún momento se poida chegar a algún tipo de acordo, eu creo que se vai chegar a iso. Probablemente esta reforma sufrirá algunha modificación froito desa negociación, porque vai estar limitada no tempo, non vai ser indefinida como facía Zapatero.

Hai dúas formas de facer política, pechar os ollos, ocultar a realidade, distorsionar as cifras, dicir que non pasa nada e todo é marabilloso, e a política que está aplicando o PP, que é ver a realidade, examinar o que está pasando e aplicar as políticas en consecuencia. De todos os xeitos o tempo dará e quitará razóns e dirá se estas medidas axudan ou non a crear postos de traballo.

O señor alcalde don **Santiago Vicente Amor Barreiro** abre unha segunda quenda de intervencións, intervindo o concelleiro do grupo municipal do BNG don **Xosé Anxo Doval Rey** para dicir: A pesares de que vostede dixo que a moción apoia determinadas políticas, iso non o di en ningún sitio. Eu tampouco son futurólogo, pero suelo ler os xornais, e ate o propio presidente Rajoy dixo que o paro vai aumentar, recoñeceu que non se vai crear emprego, senón que se vai aumentar o paro como mínimo ate o ano 2013, entón a propia moción ven a recoller o que o propio goberno, incluso por boca do seu presidente, ten manifestado. Podería entrar a falar apartado por apartado, como fixo vostede, pero non o vou facer. Me gustaría, iso si, contestar a certas afirmacións que fixo. Empezou dicindo que o goberno do BNG e despois do PsdeG aumentaron significativamente o paro, e dende logo cando o goberno do BNG marchou da Xunta de Galicia non había nin por asomo as taxas de paro que hai hoxe. En canto á posible responsabilidade que puideramos ter apoiando determinadas políticas estatais, o BNG non apoiou ningunha das medidas de recorte de emprego e no referente aos dereitos dos traballadores, ningunha, o que non quere dicir que se o BNG estivera nalgún goberno as cousas mudaran, creo que se trata de cousas mais estruturais, que teñen a súa razón de ser en políticas adoptadas dende o ano 2000, e mesmo dende antes. É recoñecido que en España o feito de que o paro sexa sensiblemente superior ao conxunto da Unión Europea ven dado pola situación do chamado “Lillo”, as medidas que adoptou o PP durante anos todos sabemos cales foron. Iso é unha parte da situación na que se atopa o paro agora, unha parte é estrutural e outra achacable a iso. En todo caso as medidas que se están adoptando en España non teñen equivalente noutras partes de Europa, e aínda que o tiveran non podemos defender de ningunha maneira a merma nos dereitos dos traballadores, que nos retrotrae a épocas moi anteriores. Nesta moción dende logo non se di ningunha mentira. Non é certo que a un traballador en ningún caso se vaia indemnizar con 45 días de traballo, porque con dicir que a empresa leva equis meses con pérdidas, os 45 días se reducen sensiblemente, e por suposto calquera empresa vai ter esas posibilidades de dicir iso.

Vou explicar, por se alguén non o entendeu, o apartado referido á negociación colectiva sectorial. Quere dicir que se un empresario ten que negociar cos seus cinco traballadores probablemente faga o que lle dea a gana, se negocia a nivel sectorial de Galicia ese desamparo dos traballadores pérdese, e iso o sabe calquera, os traballadores e os empresarios. Esta regulación ou desregulación laboral ven a poñer en mans dos empresarios toda a relación laboral, porque o período de proba, que se amplía ate un ano, ven a ser emprego barato, o que antes era emprego barato agora se multiplica case de forma indefinida e significativamente, nin mais nin menos, e afectará sobre todo aos traballadores xóvenes, que van ser os mais afectados por esta situación.

Di que non racha a negociación cos representantes sindicais e que segundo vostede o que non se pode é estar esperando a que haxa acordos. Esa non é a pretensión do goberno, porque en sectores onde si se chegou a acordo, como pode ser o da construción, nada menos que pretendían derrogar ese convenio, e parece ser que hoxe deron volta atrás e recoñeceron que iso case non cabía en ningunha cabeza. Segundo o Goberno Central, como non recollía ningunha das medidas que se recollen neste Real Decreto-Lei, pasábase a derrogar, o acordo era de antes, e por tanto tiveron que volver atrás, pero é o colmo que me digan que non podemos estar *per sécula seculorum* dando tempo para negociar. A intención do Goberno Central é

desregularizar a negociación sindical, poñer aos traballadores en mans dos empresarios, que lles saian baratos tanto os que están traballando como cando os queren despedir ou contratar.

Intervén a concelleira do grupo municipal socialista dona **Patricia Conde Lois** para dicir: A postura de cada grupo municipal está clara. Mais que estar debatendo aquí a Reforma Laboral, que é algo que en sí non compete a esta institución, senón que se ten que debater, consensuar e aprobar noutros ámbitos, só cabe amosar o descontento en torno á ela. Descontento non polo que é a reforma, senón cómo algunhas medidas atacan aos traballadores. Efectivamente na reforma se establecen medidas de flexibilidade do mercado laboral que a longo prazo farán o seu efecto, pero a curto prazo non van crear emprego. Non é ser futurólogo, non vai crear emprego e así tamén o anunciou o presidente do goberno Mariano Rajoy, así o fixo saber aos medios públicos. Entendemos que é unha reforma bastante agresiva e que ofende aos dereitos dos traballadores, e pouco mais que dicir. Amosar o descontento ante afirmacións como que a negociación colectiva é perder o tempo, eu creo que a negociación colectiva é unha vía para defender os dereitos dos traballadores, e foi ate hoxe en día un mecanismo, un instrumento para que se produciran os grandes avances que hoxe existen. Non hai tampouco que xustificar as formas de como se fixo, porque evidentemente cremos que se defende a cor política, pero en todo caso facer afirmacións deste calado, persoalmente me parecen fóra de lugar, como dicir que os sindicatos non fan nada do outro mundo, evidentemente representan aos traballadores e o seu labor farán. Manifestamos o noso voto favorable á moción.

Intervén o concelleiro delegado de Persoal, Reforma Administrativa, Servizos e Urbanismo don **Ramón García Argibay** para dicir: Vou empezar polo final sobre todo por dous motivos. En primeiro lugar eu nunca dixen que a negociación colectiva é perder o tempo, dixen que facer unha negociación colectiva ao estilo Zapatero é perder o tempo, porque unha negociación colectiva é fundamental para chegar a un acordo, e cando o fin último é o acordo está moi ben, pero cando é como a que se produciu no goberno de Zapatero, en que estiveron meses ou un ano e pico, xa perdemos a noción do tempo. Se unha negociación non ten data de caducidade ao final non vale absolutamente para nada, e a proba é que neste país se produciu a destrución de emprego mais grande da historia de España. Neste país se pasou dun 11% de parados a un 22%, esa é a realidade, dende logo eu, unha negociación así, non a quero.

Vostedes aluden ao noso presidente Rajoy dicindo que recoñeceu que a curto prazo isto non ía ter efectos no mercado laboral, é certo, porque despois da desfeita do partido socialista é normal que non teña efectos a curto prazo, e o que está facendo o partido popular é recoñecelo. ¿Cal é o espírito desta reforma laboral? ¿cal é o obxectivo, o fin desta reforma laboral? Crear emprego, crear emprego, ese é o fin, despois se conseguirá ou non, o tempo o dirá, pero o obxectivo é ese. Ate o de agora todas as políticas do partido socialista durante os últimos anos levaron a todo o contrario: á destrución masiva de postos de traballo, e tamén subiron o 2% o IVE. As políticas que vostedes practicaron durante oito anos nos levaron ate onde estamos, independentemente de que haxa que recoñecer que houbera un factor estrutural, ese factor se produciu en Francia, Italia, Alemania, Gran Bretaña, etc., pero resulta que imos á media europea e países que están en quebra técnica, como Grecia, non teñen o índice de paro que temos nós, ou países que están intervídos por segunda vez,



como Portugal, teñen case a metade do que temos nós. Por tanto se lle poderá botar parte da culpa a cuestións estruturais, pero nada mais.

Eu non dixen nunca nin o vou dicir porque non o penso, que a negociación colectiva é perder o tempo, e si que tal e como a levou Zapatero foi unha perda de tempo. Unha cuestión distinta fixo o presidente Rajoy cando chegou á presidencia, que dixo teñen vostedes tanto tempo para poñerse de acordo, e se non se poñen de acordo lexislo, e foi o que fixo. O que non pode ser é que Mariano Rajoy estea perdendo o tempo durante ano e pico ou dous anos, como estivo Zapatero, para que isto siga caendo cara ao abismo.

En segundo lugar, eu dixen que os sindicatos non fan nada do outro mundo, pero se esa frase se saca de contexto e despois sae na prensa que o partido popular di que os sindicatos non fan nada do outro mundo, ese é un magnífico titular de prensa, pero hai que encaixar esa frase no contexto no que estamos falando, que é a realidade. Durante oito anos os sindicatos non estiveron á altura para tentar solucionar este problema, non estiveron á altura e iso é a realidade.

Cando vostede dicía que isto a curto prazo non ía crear emprego, claro que non, porque se alguén ten a fórmula para crear emprego a curto prazo por favor que o diga, pero non a ten ninguén, por desgraza. Se non tiveramos perdido eses oito anos, primeiro sen facer nada e despois facendo todo o contrario do que se debía facer. O paro a curto prazo vai seguir, porque estamos nunha senda, que evidentemente non se pode cortar, pero a longo prazo a intención é que vaia diminuindo.

O BNG evidentemente que non ten responsabilidade no goberno da nación nin a vai ter nunca, loxicamente, e non o digo en sentido despectivo, o digo en sentido numérico, pero hai dúas formas de prestar apoios: por activa e por pasiva. Vostedes activamente aprobaron orzamentos co partido socialista no parlamento nacional, orzamentos que en moitos casos eran irrealis, como os deste concello, orzamentos que o que fixeron foi precisamente provocar nunha parte importante o que levou a este país á situación económica, e vostedes votaron a favor, e iso está moi ben que se saiba, porque é moi fácil chegar a un foro como este e dicir o BNG presenta esta moción e nós non somos responsables de nada, porque vostedes, insisto, votaron afirmativamente orzamentos aprobados no Congreso dos Deputados, por tanto si hai responsabilidade. E logo a resposta manida de toda a vida é que todo ven de atrás, que xa ven do 2000, que xa ven do ladrillo... eu non digo que o ladrillo non tivera certa importancia, pero se collemos datos estatísticos, o PSOE nos últimos oito anos e nos primeiros dous ou tres anos de goberno construíu 150.000 vivendas mais por ano que o goberno do PP, é unha cuestión mais a ter en conta. Independentemente dese dato -que hai que ter en conta porque é a realidade- se pode dicir que o ladrillo tivo unha parte importante, pero non que a tivo toda. Vostede falaba de que isto non tiña equivalencia co resto dos países europeos e non é certo, porque excepto os países escandinavos o resto dos países europeos, por exemplo Francia, Holanda, Bélxica, e Alemania, fixése vostedes, en Alemania, onde a taxa de desemprego creo recordar que está algo mais do sete por cento. Vostedes criticaban os “minijobs” alemáns porque consideraban que era un retroceso, cando está demostrado que foi o que frenou a taxa de paro alemán e salvou a produtividade dese país, que por certo está moi por enriba da nosa. Algo terá tamén que ver a produtividade dun país nas políticas que durante oito anos, co apoio orzamentario do BNG, provocaron aquí a situación na que estamos.

En relación ao dos 45 días non é exacto o que dixo vostede, porque cando se fala dos 45 días hai que falar da improcedencia do despido, se un despido é considerado improcedente polo Xulgado do Social, unha persoa que xa ten os dereitos adquiridos na data na que se lle vai aplicar o dos 45 días é exactamente igual. E vostede non mo compare coa situación de agora porque agora temos 5.200.000 parados e agora se



pode botar á xente á rúa con 20 días, polo tanto diferencias practicamente ningunha, algunha si, pero practicamente ningunha. En canto aos dereitos adquiridos como está tipificado no Estatuto dos Traballadores, se conservan ate a data do Real Decreto-Lei.

Hai outra cousa da que falaba vostede que a nós nos parece de vital importancia, os convenios sectoriais, que queda moi bonito dicir que os traballadores suxeitos a convenios sectoriais saen prexudicados con esta reforma laboral, o que sae prexudicado é que unha empresa de poucos traballadores, as pymes, estaban sometidos a convenios sectoriais que eran insoportables economicamente para as condicións desas microempresas, provocou -porque non hai que esquecer que en Galicia o tecido empresarial é moi pequeno e o pouco que había o creaban sobre todo as microempresas, de dez, cinco, vinte empregados- que ao estar sometidos a convenios sectoriais realmente abusivos e pensados para factorías como Citroën, por exemplo, grandes factorías, sobre todo do metal, eses convenios beneficiaban ás grandes e prexudicaban ás pequenas. Vostedes se esquecen ademais de algo moi importante neste país: dos autónomos, os que mais emprego crean neste país, e os sindicatos nunca os tiveron valorados, polo tanto cando se fala dunha cuestión tan seria como é a traxedia de perder o emprego hai que ter moito coidado, porque hai moitos autónomos que están pechando todos os días porque non teñen como manterse.

Por último, en relación ao tema dos xóvenes, vostede di que se prexudica aos xóvenes e que son man de obra barata, e non é así, é man de obra que vai estar pagada exactamente igual que antes, porque aí non hai ningún tipo de cuestión, simplemente é a formalización dun tipo de contrato que simplemente pode pasar nalgúns casos como dicía vostede do período de proba de seis meses ate un ano, pero seguen cobrando exactamente o mesmo que cobraban nas condicións anteriores. Cando acudimos ás cifras frías e nos damos conta de que o paro xuvenil en España está chegando ao 50% algunha medida hai que tomar. É mellor que unha empresa contrate algún rapaz por un ano e lle dea ese ano de proba e polo menos teña experiencia, porque todos sabemos que un fillo noso ou dun amigo cando quere traballar o primeiro que lle piden é experiencia. O que hai que mirar é que por fin hai opción de que un xoven -insisto, hai 50% no paro- teña a posibilidade de ter unha actividade laboral, aínda que sexa por un ano e polo menos no seu curriculum e á próxima empresa que vaia poda dicir que ten un ano de experiencia laboral. Doutra maneira tiñan as portas pechadas todos os rapaces e non lles quedaba mais remedio que o que está pasando, que por primeira vez en moitos anos teñan que marchar de España a buscar traballo, porque por primeira vez mais de 300.000 persoas tiveron que marchar. Eu non digo que esta sexa a reforma laboral perfecta, pero polo menos é agarrar o toro polos cornos para que a medio-longo prazo se cree emprego, esa si é a filosofía desta reforma.

Rematadas as intervencións a moción do grupo municipal do BNG de rexeitamento da reforma laboral aprobada polo goberno central resulta rexeitada cos votos a favor dos 6 representantes do grupo municipal socialista e dos 3 membros presentes do grupo municipal do BNG, e os votos en contra dos 11 representantes do grupo municipal popular

A moción rexeitada é do seguinte teor literal:

## **Moción de rexeitamento da reforma laboral aprobada polo Goberno Central**

### *Exposición de Motivos*

*O Goberno central vén de aprobar unha ampla reforma do réxime laboral, que suporá unha mudanza substancial no réxime de relacións laborais.*

*O Real Decreto-Lei 3/2012, do 10 de febreiro, de medidas urxentes para a reforma do mercado laboral, socava as bases sobre as que se asentaban as relacións laborais, contendo medidas concretas que, xa desde a súa entrada en vigor, limitan os dereitos dos traballadores e traballadoras, tanto no que atinxe aos seus dereitos económicos como á súa capacidade de negociación laboral.*

*Porén, como o propio Goberno vén afirmando, esas medidas non contribuirán de xeito directo a xerar emprego nin a mellorar a estabilidade laboral das persoas que na actualidade ocupan postos de traballo en precarias condicións. Confírmase así, que o verdadeiro programa de Goberno do PP é aplicar unha política económica ao servizo de quen máis teñen, en prexuízo das maiorías sociais cuxo sustento depende do seu traballo. Constátase que o verdadeiro propósito do Goberno actual consiste en empregar a crise económica como pretexto para atacar os dereitos dos traballadores e traballadoras, rebaixando as súas condicións laborais.*

*A reforma laboral aprobada debilita a posición das persoas traballadoras ao tempo que reforza os poderes de dirección da empresa, outorgándolle capacidade para interpretar e desenvolver de xeito unilateral as condicións de traballo pactadas tanto a nivel individual en contrato de traballo como as derivadas de acordos globais sustentados na negociación colectiva. Dese xeito, a nova regulación laboral:*

- Reduce as indemnizacións por despedimento improcedente case nun terzo, afectando tamén a dereitos consolidados de traballadores e traballadoras contratados hai anos.*
- Estende as posibilidades de abaratar os despedimentos, ao ampliar os supostos para poder extinguir contratos laborais por mor de causas obxectivas, en base mesmo a situacións conxunturais dunha empresa e non estruturais.*
- Permite a aplicación de medidas de flexibilización interna de xeito unilateral por parte das empresas que favorecerán desde a extensión de regulacións de emprego, pasando pola mobilidade xeográfica forzosa, até mesmo a imposición obrigatoria de redución de xornadas e salarios.*
- Desampara ás persoas traballadoras no caso dos despedimentos colectivos, ao eliminar o control da administración laboral na aprobación dos expedientes de regulación de emprego, obrigando a acudir a un control xudicial, tamén máis limitado.*
- Crea un contrato indefinido específico, denominado “de apoio aos emprendedores”, mais aplicable ao 99 por 100 das empresas en Galicia, que permite o despedimento libre e gratis total durante o primeiro ano.*
- Racha co sistema de negociación colectiva sectorial e territorial, que beneficiaba ao colectivo de traballadores e traballadoras que desenvolven a súa profesión en actividades análogas ao homologar as condicións e traballo con independencia da empresa concreta onde traballan, deixando en mans da dirección empresarial a devaluación das condicións de traballo reguladas nos convenios de ámbito supraempresarial.*

*A reforma laboral imposta de xeito unilateral polo Goberno central terá un impacto negativo nas condicións de traballo e económicas das persoas traballadoras neste concello, que son a maior parte da nosa poboación e merecen dun respaldo*

*institucional perante o ataque emprendido contra os seus dereitos, que forman parte das conquistas sociais atinxidas en beneficio das maiorías sociais.*

*O noso Concello debe expresar o seu rexeitamento a esta reforma laboral que, lonxe de ser equilibrada como se afana en difundir -con afán de confundir- o Goberno central, en realidade mingua dereitos regulados en normas públicas que favorecerían ás persoas traballadoras, para que fiquen a vontade das decisións empresariais e desposuídos de calquera capacidade de negociación e presión para mellorar as súas condicións socioeconómicas.*

*Polo exposto, solicitamos do Pleno da Corporación Municipal a adopción do seguinte*

### **ACORDO**

*1. Manifestar o rexeitamento da Corporación municipal á reforma laboral aprobada polo Real Decreto 3/2012, do 10 de febreiro, instando ao Goberno central a:*

- *Proceder á derogación de dita norma.*
- *Acometer unha mellora das relacións laborais, en base ao consenso e negociación cos representantes sindicais, que protexa ás persoas traballadoras fronte á precariedade laboral e inclúa estímulos reais para a xeración de emprego de xeito inmediato.*

*2. Comunicar o presente acordo aos grupos parlamentares do Congreso de Deputados e Parlamento de Galicia, Presidente do Goberno do Estado e Presidente da Xunta de Galicia.*

### **Punto Oitavo.- Rogos e Preguntas**

#### **Rogos.**

Toma a palabra o concelleiro do grupo municipal do BNG don **Xosé Anxo Doval Rey** para formular o seguinte rogo:

**Primeiro rogo.-** No pasado pleno fixen unha pregunta respecto das subvencións e a literalidade da resposta me gustaría tela por escrito, ter documentación para entender o porqué este ano non se dera a totalidade do dispoñible con respecto do ano anterior. Como non se me contestou por escrito nin de palabra e é incompreensible que nun mes non se dera elaborado suficientemente o argumento para facermos entender, non me queda mais remedio que facer un rogo dando por entendido cuestións que non sei. O rogo é que se distribúa toda a partida. Concretamente en dous dos apartados, un para entidades deportivas e outro para festas tradicionais o que pedían as asociacións chegaba a partida, se podía dar todo. No de festas había 3.000 euros de diferenza pero como había outras asociacións que pedían para cuestións que non se podían subvencionar daba practicamente a partida. O rogo é que se retome a cuestión e, coa mesma clasificación que xa estaba feita, que evidentemente non se pode modificar o acordo da comisión, con ese mesmo criterio de ordenación, se dea todo o solicitado ás asociacións, e no caso de asociacións culturais, onde efectivamente non chegaba toda a partida, tamén con esa mesma clasificación, se dea, cunha mesma porcentaxe de subida, ate onde dea a partida habilitada. Creo que está suficientemente claro o rogo, e que segue sendo

incomprensible para min e creo que para a maioría cómo habendo partida suficiente non se concedeu o solicitado polas asociacións, entrando dentro das condicións que tiña a convocatoria.

Toma a palabra o señor alcalde don **Santiago V. Amor Barreiro** para dicir: Sobre a contestación, hoxe non deu tempo a notificarlle. A contestación está feita, mañá se lle notificará, igual que o sistema que se seguiu para conceder as subvencións. Estes días se contestaron varias preguntas dos diferentes grupos, esta quedou pendente e repito que se lle contestará mañá.

Continúa o señor **Doval Rey**: en todo caso eu manteño o rogo porque creo que é de xustiza.

Intervén a concelleira do grupo municipal do BNG dona **Susana Mallo Redondo** para facer os seguintes rogos:

**Segundo rogo.-** O primeiro dos meus rogos ten que ver co Entroido que se celebrou este luns no Milladoiro. Eu lira estes días nos boletíns de novas que recibo do concello, dos que son subscriitora e que tomo como referencia basicamente porque nalgún momento se perdeu o norte sobre o que son os medios públicos de comunicación e o servizo que deben dar. Están confundíndose cada vez mais e este goberno faino a límites preocupantes con comunicacións de gabinete. Polo tanto tomo as palabras deste boletín como as palabras do goberno, e nestes boletíns dise que o concello de Ames deu un paso adiante na súa firme aposta por dinamizar e consolidar esta celebración, atentando aos cambios rexistrados no municipio nos últimos anos e en consoancia coa tradición do Entroido en Galicia. Debo recoñecerlles antes de todo que efectivamente vostedes fixeron unha aposta por cambiar a programación

Este rogo pode ir dirixido tanto ao concelleiro de Cultura como ao de Promoción Económica, que supoño que foron as áreas que se encargaron da programación

Lles recoñezo a decisión de cambiar. Na programación o cambio foi evidente e nese sentido incluso nos agrada porque é certo que a celebración do Entroido necesitaba unha volta, había unha celebración que estaba bloqueada, por facerse sempre igual, o que non quere dicir que nós compartamos todos os aspectos ou todas as actividades que se realizaron. De feito hai unha que a nós non se nos ocorrería, que é ocupar un aparcadoiro recén estreado co argumento de dinamizar o Entroido cunha actividade deste tipo cando sobran prazas públicas nas que se puido ter realizado, é algo que nós non faríamos sobre todo porque como ben saben vostedes hai mercado no Milladoiro, e nese mercado hai moitos autónomos gañando o pan, cada vez menos, e moitos loitando por un posto de traballo nunha situación difícil e nun mercadillo en declive. Eu creo que tomar medidas que van en contra deses pobres autónomos en situación económica delicada non está ben, o BNG non está de acordo. Hai outras cuestións nas que si foi un acerto a celebración. En todo caso este rogo está motivado pola decisión de non organizar o Entroido nos dous núcleos principais de Ames, que se chaman Bertamiráns e Milladoiro. Están vostedes nunha dinámica de non sei se ocultar ou esquecer, isto de chamarlle Ames e non querer falar de Bertamiráns e Milladoiro, como fixo no seu discurso o concelleiro señor Argibay o outro día, a min ás veces me provoca sorriso, porque Ames somos todos, pero iso non quita para que este concello estea organizado, estruturado, en dous grandes núcleos moi importantes e moi diferentes, e esas diferenzas non nos fan mellores nin peores, e temos que utilizalas en favor de todos. Este ano con esta idea de ter unha única ubicación deixaron vostedes a Bertamiráns e a área de influencia de Bertamiráns, que é moi grande, e están nese sentido infravalorando a capacidade que ten Bertamiráns de ser cabeza de comarca e unha referencia social, cultural e económica, que chega á Barcala, decidiron non darlle importancia e deixaron a Bertamiráns sen Entroido. O ano que ven xa anunciaron que queren deixar a

Milladoiro sen Entroido. Se vostedes reducen isto a unha simple celebración festiva eu podo entender que pareza esaxerado o noso rogo, pero sabemos que as tradicións e a cultura traen tras de si outras moitas implicacións. A cohesión social, algo que é fundamental neste concello, se consegue por exemplo con actuacións como esta, que unen á poboación arredor de actividades festivas, lúdicas, pero sociolóxicas e socioeconómicas ao fin e ao cabo. Creo que non só neste caso senón noutros que se veñen dando foi unha falta de saber valorar na súa xusta medida as capacidades motrices dos dous núcleos, do servizo que lle poden dar a este concello e a concellos limítrofes, sobre todo da capacidade que teñen para facer progresar a cidadanía. E neste sentido vai o noso rogo, que se reconsidere a proposta realizada de que o Entroido só se celebre nun dos núcleos, que non se faga coincidir nas dúas localidades e tampouco se faga coincidir con actividades organizadas por entidades asociativas. Sería bo contar con asociacións de pais como colaboradores e non ter ás familias tendo que escoller se van celebrar o Entroido no Milladoiro ou se van a outro sitio , como pasou este ano.

**Terceiro rogo.-** Un rogo que vai dirixido ao concelleiro de Vías e Obras, pero tamén podería ser para Medio Ambiente. O rogo ten que ver cun precioso paseo que se fixo entre Tapia e Lens, que permitiría agora que ven o bo tempo ser utilizado tanto para andainas como para outro tipo de actividades, e que está destrozado. Cremos que sería o momento agora de empezar a recuperalo, e penso que afecta ás dúas concellerías.

**Cuarto rogo.-** Este rogo ten que ver coa área de Comunicación, coa área de Alcaldía, e, neste sentido, isto si que é responsabilidade do goberno e aquí si que se debe de facer ver. Son moitas as queixas que nos chegan dende a toma de posesión do actual alcalde de que os veciños non reciben respostas ás súas preguntas na Páxina Web. Estaban habituados a un sistema polo que se recibía unha primeira resposta que ás veces era suficiente para o tema que se demandaba, e cando non era así polo menos confirmaba que se recibía esa queixa, suxestión ou problema, e mais adiante había unha segunda comunicación. Non é unha nin dúas, e véñense sucedendo dende hai meses, que non hai unha comunicación adecuada a esas demandas na Web.

Intervén o concelleiro delegado de Persoal, Reforma Administrativa, Servizos e Urbanismo don **Ramón García Argibay** para dicir: Me sorprende ese rogo moitísimo. Ademais de sorprendeme non o entendo. É o típico rogo que cando se fai parece que se fai coa intención de infravalorar algo que tivo un éxito rotundo.

Continúa a señora **Mallo Redondo**: no Milladoiro.

Continúa o señor **García Argibay**: que tivo un éxito rotundo en Ames, e lle vou dicir por que, porque un dos premiados era de Bertamiráns, e había moita xente de Bertamiráns.

A señora **Mallo Redondo** tenta falar e o señor alcalde don **Santiago V. Amor Barreiro** apercíbea dicíndolle que respecte as quendas de intervencións, e que o señor García Argibay está intervindo para responder a un rogo e tamén por alusións. Dille que interpelou no seu rogo, a parte das concellarías de Cultura e Promoción Económica, ao señor García Argibay, así que imos deixar ao concelleiro que conteste. Ten a palabra o señor García Argibay.

Continúa o señor **García Argibay**: Dona Susana, faltaría que vostede nos dixera quen

Ile ten que responder aos rogos. Ate aí podíamos chegar. En primeiro lugar porque vostede fixo unha alusión a min e en segundo lugar, eu son o voceiro do grupo de goberno. Non me deixa de “molestar”, entre comillas, que de algo do que todos teríamos que estar mais que satisfeitos, de que en Ames que se celebrou un Entroido como nunca se celebrou, cos seus defectos, que se corruxarán cando se fagan outra vez o ano que ven, esta vez en Bertamiráns. Me sorprende o seu descoñecemento, porque en Bertamiráns houbo Entroido, houbo o mesmo Entroido que facían vostedes, o mesmo, se fixo na praza de Chavián. O que fixo este goberno foi que ademais de facer ese entroidiño que facían vostedes en Bertamiráns se fixo unha celebración de Entroido no Milladoiro, pero mire, este goberno non é rico, non podemos facer exactamente o mesmo nun sitio que noutro, nos encantaría, pero non podemos; entón optamos por unha decisión que acordaron o concelleiro de cultura e o concelleiro de promoción económica, valorada polo resto do goberno. Decidimos celebrala o luns, porque se a facemos o martes non ven ninguén porque a xente se vai para Santiago, o sábado a xente vai a Negreira ¿cal era o mellor día? o luns ¿que hai mercadillo? pois claro que hai mercadillo, e grazas a este goberno, e ademais como hai mercadillo aproveitamos e facemos o Entroido no Milladoiro, espero que non lle moleste que digamos Ames no Milladoiro, o espero, porque a dualidade á que nos tiñan acostumados o que facía era empobrecer as actividades e duplicar o gasto. Fixemos o mesmo Entroido que en anteriores anos e mais barato, e se o cre ben e se non lle mostramos as contas, non hai problema ningún, luz e taquígrafos.

Eu non entendo esa crítica, porque se fai outra, perfecto, pero este goberno valorou moito a situación de facer o Entroido onde se fixo, e por primeira vez en Ames se dinamizou por toda a zona do Milladoiro, houbo moita xente e a rúa Anxeriz estaba chea de xente. Non sei se lles subiu a caixa ou non, pero polo menos a xente estivo no Milladoiro, e para nós foi unha grande sorpresa. Ademais, que nós fixéramos iso no parking, que por certo fixo tamén este goberno, dous parkings non un, dous, e ao mellor facemos un terceiro, catro é complicado, pero un terceiro non é difícil. Este goberno valorou esa situación porque esa rúa que une o aparcadoiro que está detrás do Supercor, que por certo abriu este goberno, son mais ou menos 50 m. do parking das Palmeiras ou do parking da Casa da Cultura ou da zona do entorno no que se pode aparcar, de feito non houbo nin un só problema de tráfico, nin un só problema de aparcamento, porque a xente baixaba por alí e chegaba polo aparcamento onde tiña que chegar. E o do mercadillo funcionou mais ou menos igual que un luns normal, cunha diferenza, que era luns de carnaval e algúns aproveitaron para descansar, con razón, porque os autónomos teñen que descansar. Por tanto que me diga iso francamente non o entendo, me sorprende. Temos que cambiar a mentalidade, e iso este goberno está intentando facelo, e o primeiro paso se deu coa celebración do Entroido no Milladoiro. Temos que cambiar a mentalidade, primeiro por motivos económicos e segundo porque os que residen en Santiago ou en Pontevedra ou en A Coruña ou en Vigo, cando fan un Entroido, se eu vivo en Santa Cristina de Fecha en Santiago, vou ao Entroido na praza de Galicia, que hai mais distancia que se vivo en Bertamiráns e me vou para Milladoiro, temos que empezar a cambiar a mentalidade, temos que falar de Ames. Independentemente de que Bertamiráns sexa un núcleo fantástico onde eu vivín dez anos, os anos mellores da miña vida, ou independentemente de que sexa no Milladoiro, onde tamén vivín e foron uns anos tamén fantásticos, ou que sexa en Biduído, onde vivo agora, que tamén é fenomenal. Eu, como amiense de adopción e onde me atopo perfectamente, non me preocupa nada desprazarme a Milladoiro ou a Bertamiráns. De feito, dos que se presentaron un deles era de Bertamiráns. Vostedes mesmos recoñeceron que tivo unha boa acollida. A primeira edición dese Entroido tivo un montón de xente, non sei cantos, non os contei, pero polo menos xa se iniciou, xa se puxo a primeira pedra. Por iso que a súa crítica sexa ao parking me sorprende considerablemente.

Toma a palabra o señor alcalde don **Santiago V. Amor Barreiro** para dicir: Con

respecto ao rogo que fixo a esta Alcaldía sobre a comunicación, o revisarei e se hai algún fallo ou algún erro na configuración o solventaremos, e se hai algo que modificar o faremos, e grazas por avisar, porque ás veces pode haber algún erro.

Intervén a voceira do grupo municipal do BNG dona **Pilar Candocia Pita** para formular os seguintes rogos:

**Quinto rogo.-** Como autónoma agradezo ao señor García Argibay que se nos teña en conta. Nesta corporación hai algúns, non sei exactamente cantos pero polo menos catro, e estamos ben representados. O rogo que vou facer vai dirixido ao goberno, porque é xenérico, e non é tanto un rogo como unha proposta, porque os rogos non deixan de ser propostas. Ao fío deste pleno *cuasi* unánime, o 24 de febreiro é mañá, non deu tempo de organizar nada, entón fago unha proposta que pode reconverterse noutra calquera, que atañe aos membros da corporación e a todos os concelleiros. Propoño que mañá se organice en colaboración con Ames Radio que os que andemos por aquí, mesmo na praza, para non ter que movernos en exceso, escollamos cada un un pequeno texto e na escalinata da entrada, por exemplo, ou no lugar que desexedes, demos lectura a eses textos. Esta é a proposta, que está aberta a que lle fagades cambios, simplemente se me ocorreu no decorrer desta sesión que sería interesante.

Intervén o concelleiro delegado de Cultura, Educación e Patrimonio don **Alfonso Rey López** para dicir: Eu me sumo a esa proposta de Pilar, só quero dicir que me gustaría que foran textos de Rosalía de Castro ou adicados a ela, como *Do mar pola orella mireina pasar, na frente unha estrela no bico un cantar*. Me sumo sen problema ningún.

Continúa a señora **Candocia Pita**: O espírito da proposta é que non pase mañá sen que os membros da corporación fagan algo, se pode modificar, pero tendo en conta iso, e que se transmita á cidadanía.

**Sexto rogo.-** Un rogo dirixido á concellaría de Vías, Obras, Parques e Xardíns. A semana pasada apareceu no paseo de Bertamiráns un sinal que impedía a entrada dos cans e provocou o desacougo dos veciños e veciñas que teñen mascotas, porque non se coñecía o porqué desa proposta. O BNG, no mes de maio do ano pasado a compañeira Olalla Alvite fixo unha proposta para recoller inquiredanzas de donos de cans, houbo recollida de sinaturas, e estivera moi cuberta a noticia, ate na TVG, demandaban unha zona limitada para que os cans puideran estar en liberdade, entón que aparecera de repente o sinal aínda xenerou mais inquiredanza. Logo, falando co alcalde soubemos que había un erro e que había que colocar unha pegatina. O rogo é que se retome o estudo e a posibilidade de habilitar unha zona para cans, nós temos propostas. Os donos dos cans teñen un grupo feito cos seus representantes, e rogamos preocupación polo tema. Eu teño can e entereime de primeira man, ás veces é certo que hai incivismo, pero non todo o mundo é incívico. Entendo perfectamente que hai que integrar e buscar unha solución, e creo que os representantes dos donos teñen mesmo alguén que sabe diso e pode aportar solucións.

Intervén o concelleiro do grupo municipal socialista don **José Francisco Doval Galán** para formular o seguinte rogo:

**Sétimo rogo.-** Eu tamén tiña un rogo en relación co Entroido, porque se recibiron moitas queixas por parte dos comerciantes, que se sentiron unha vez mais



prexudicados. Xa no Nadal non houbo moito ambiente e o concello non favoreceu nada que o houbese, tanto en Bertamiráns como en Milladoiro. Neste caso os prexudicados foron os de Bertamiráns, sentíndose algúns bastante orfos en canto á atención recibida. A falta de ambiente e consumo xa é a segunda festa consecutiva que o sofren, a parte das familias que botaron en falta as actividades en Bertamiráns. O rogo é pedirilles que reconsideraran o xeito de ser mais equitativos no reparto destas actividades, porque o comercio non pode estar ano si e ano non, porque tamén conta dentro da súa economía con este tipo de actividades para facer un pouco de caixa. No caso de Bertamiráns hai sitios céntricos para elixir, e favorecería a circulación da xente polas rúas e o consumo en distintos tipos de comercios, non só bares e cafeterías, senón outro tipo de comercios como poden ser papelerías e mesmo xente que ven de fóra. O digo porque houbo xente que se queixou precisamente disto.

**Oitavo rogo.-** A carretera que vai de Roxos a Portomouro xa sei que non é de competencia municipal, pero trasladar á Xunta de Galicia que rebacheen, pero buscando que non quede tanta grava solta, polo problema que supón para a circulación, non só de poderse saír da carretera, senón que o coche que vai diante tira gravilla e non é a primeira vez que estala algún cristal.

Intervén o concelleiro delegado de Comerciol, Promoción Económica, Traballo e Turismo don **Bernardo Moar Míguez** para dicir: Xa por alusións teño que intervir. Eu creo que foi un éxito o Entroido no Milladoiro, e teño que agradecer sobre todo ao persoal do concello, en especial ás persoas das que vou aproveitar a mención, Rosa Moreiras de Normalización Lingüística, Patricia de Medio Ambiente, Pili de Mocidade, María Vázquez de Cultura, Sonia Moure de Turismo, e Iván de Prensa, que estivo presente todo o día tamén, á policía local, que fixo o esforzo, e como non, á brigada municipal, en especial quero facer mención a Pico Pardal e a Camafeita Pérez, que tiveron que ir o martes, festivo, ás nove da mañán a limpar. En canto ao porqué do aparcamento en Agro do Medio, miren, tivemos moitos problemas con coches que levaban alí meses abandonados ou estacionados. Foi un motivo estupendo para conseguir mover polo menos trinta coches, de feito só nos quedou un coche alí porque non se conseguiu localizar ao propietario. Ese foi un motivo. Outro motivo era dinamizar o comercio local, que quedou mais que satisfeito. Que foi todo un éxito ninguén o dubida ¿que non había xente de Bertamiráns? había xente de Transmonte, de Framán, de Tapia... de todo o concello de Ames, de Serra de Outes, de Santiago ¿de que estamos a falar? Non vai ser a única festa que se vai facer alí, porque en breve imos facer outra, guste ou non. E tamén foi un xeito, como dicía antes o señor Argibay, de que ese tramo peonil no que ate agora se tiraron cartos, antes non se aparcaba nas Palmeiras, e agora si se pode facer, porque temos aparcadoiro a 50 m. Eu comprobei que despois do Entroido do outro día pasa a xente por alí, parecía, segundo unha nota de prensa, que a xente non se enterara, pero parece que surtiu efecto, e tamén hai mais coches aparcados. ¿comerciantes orfos en Bertamiráns? Evidentemente, non podíamos facer o esforzo, valórouse, pensouse. Me gustaría recordar que o primeiro Entroido importante que se fixo neste caso en Milladoiro o fixen eu cando era presidente da asociación de empresarios, hai algo mais de oito anos, que foi todo un éxito, e foi con cousas que se foron copiando despois dende o concello, mellorando, evidentemente. Cremos que debemos de mudar o xeito de facer o Entroido E orfos en Bertamiráns, direi que o 9, 10 e 11 de marzo a asociación de comerciantes de Milladoiro e a asociación de comerciantes de Bertamiráns van facer a Expoliquidación, este ano se fará en Bertamiráns, e a idea é para o ano que ven facela no Milladoiro e o Entroido en Bertamiráns, aí está o xeito de compensar aos dous núcleos de poboación.

Vou facer mención, agora que me acordo, a quen me axudou a baleirar ese aparcadoiro: Carlos Rivas; entre el e mais eu puxemos setecentos avisos nos



parabrisas dos coches dende o xoves ate o domingo á noite para poder baleirar ese aparcadoiro, o cal supuxo para el e para min un enorme esforzo. Se fixo para que ninguén dixera que non estaba avisado e non ter que sancionar a ninguén. Repito, setecentos avisos, e supuxo un esforzo para min encomiable, e dende aquí darlle as grazas a Carlos Rivas que me axudou a facer ese traballo. Para nós houbera sido mais fácil levar o Entroido ao aparcadoiro de Palmeiras ou ao Pavillón, pero iso significaría que os comerciantes, eses comerciantes ambulantes que lles dan tanta pena, que fai oito anos que a asociación de empresarios de Milladoiro leva solicitando un mercadillo e ninguén nin en conxunto nin en solitario tivo a ben atender a eses ambulantes que agora lles dan pena, e este goberno si o fixo, en só seis meses. Funcionará mellor ou peor, mais ou menos, dende logo pola miña banda hai moito interese en que funcione, lles podo garantir que fixen moito esforzo en levar ese mercadillo arriba e evidentemente quero que funcione. Entre outras cousas porque só no Milladoiro e en Bertamiráns temos un montón de vendedores ambulantes, e este goberno si pensa en eles, cousa que vostedes en oito anos non.

Intervén o voceiro do grupo municipal socialista don **José Manuel Miñones Conde** para formular os seguintes rogos:

**Noveno rogo.-** O grupo municipal socialista tiña a esperanza de que hoxe, ben o alcalde ou ben o voceiro do grupo de goberno, aquí, no pleno como máximo órgano, deran explicacións oportunas de todo o acontecido ao longo deste mes de febreiro, que se aierou na prensa e incluso se catalogou como crisis interna de goberno. Cremos que todo o que afecte ao grupo de goberno afecta tamén á vida municipal e, por extrapolación, tamén a toda a cidadanía de Ames. Cremos que dar a calada por resposta ou dar esa resposta nos medios de prensa, sexa escrita ou en televisión, non é o camiño, e por iso rogamos hoxe ao alcalde que nos dea as explicacións oportunas.

**Décimo rogo.-** Nos gustaría tamén que nas mocións, na orde do día, figurase sempre o título da moción, para o que é despois a axilización da documentación.

Toma a palabra o señor alcalde don **Santiago V. Amor Barreiro** para dicir: Vostede presentou un escrito con data de entrada no concello o día 6 de febreiro ¿non?

Responde o señor **Miñones**: Si, sobre os postos de confianza.

Continúa o señor **alcalde**: Exacto, e sobre as noticias que saían publicadas no xornal, e se lle deu contestación por escrito con data de saída, e asinado o recibín por unha persoa do seu grupo municipal. Creo que as explicacións xa están dadas.

Continúa o señor **Miñones**: Sobre os postos de confianza, non sobre a crise de goberno.

Responde o señor **alcalde**: Non hai ningunha crise, señor Miñones. Vostede quere ver unha crise onde non a hai. Ese é o problema.

Continúa o señor **Miñones**: ¿Entón temos que ir ás declaracións da TV?

Responde o señor **alcalde**: Vostede vaia onde queira, non lle vou prohibir ir onde queira. Ten a palabra dona Patricia Conde para formular os seus rogos.

Intervén a concelleira do grupo municipal socialista dona **Patricia Conde Lois** para formular os seguintes rogos:

**Undécimo rogo.-** Dirixido ao concelleiro de Vías, Obras, Parques e Xardíns, don Alfredo Taboada Alvelo. Hai un bache na carretera da Deputación que vai de Agrón a Brión ao paso pola aldea de Arufe, e o rogo é que se lle dea traslado á Deputación para que se produza o seu arranxo dado que se fai cada vez mais grande e se corre o risco de que se estropee a vía.

**Décimo terceiro rogo.-** En relación a unha intervención que se produciu no pleno do pasado 12 de xaneiro no apartado de control do goberno, no que o señor Ramón García falaba de que había facturas gardadas por algún caixón, e logo tamén dende a Alcaldía se ratificaba que existían facturas que non estaban rexistradas no concello, por valor de dous millóns de euros, e nesa mesma sesión xa eu pedira información sobre esas facturas, e posteriormente, o día 9 de febreiro, diriximos un escrito á Alcaldía solicitando acceso e copia a esas facturas das que se falaba e tamén que se facilitase información de que en qué caixóns das dependencias municipais se atopaban as mesmas. Efectivamente se nos deu resposta, por fin, e a resposta é bastante clara no que é a explicación. Se nos contesta o día 17 de febreiro e se nos di *Con data 9 de febreiro de 2012 mediante núm. de rexistro de entrada 1709 se solicita acceso e copia ás facturas correspondentes a gastos efectuados sen seguir o trámite correspondente polo concello por valor de 2 millóns de euros. Ao respecto, esta Alcaldía debe aclarar que o termo “factura de caixón” é unha expresión coloquial, e como tal non pode entenderse en sentido literal. Con esa denominación preténdese facer referencia a todas aquelas facturas que corresponden a gastos efectuados sen seguir o trámite correspondente e por tanto sen comprobar previamente a existencia de crédito para a súa aprobación. Iso fai que deban permanecer nunha situación temporal en canto non se habilita unha solución financeira para a súa aprobación. Todas as facturas están rexistradas, pero as que non seguen o procedemento normal precisan dun estudo detido diferente ao dispensado ao resto de facturas, polo que resulta complexo coñecer a veracidade dos servizos prestados, a súa necesidade, e polo tanto, se todo elo concorre, se procede á súa aprobación, e con elo, a débeda comercial real do concello e con elo a situación do concello. En relación á petición de acceso ás facturas infórmase que todos os trimestres os grupos municipais teñen acceso a toda a documentación de facturación no pleno, facilitada pola intervención deste concello en formato DVD.*

Por fin se nos da resposta a estas afirmacións que se viñan facendo, polo que estiven mirando dende o 20 de xullo do ano pasado, e nese sentido, o rogo vai encamiñado a que se deixen de facer expresións coloquiais sobre a situación económica do concello, porque pode dar lugar a malos entendidos pola cidadanía, dando a entender que o goberno socialista tiña dous millóns de euros en facturas escondidas, cando a realidade era que estaban na contabilidade do concello, pendentes de tramitar, evidentemente, pero estaban na contabilidade. Por tanto, non existen tales caixóns nin estaban gardadas como se pretendía dicir. O rogo é simple: deixar de facer esas expresións coloquiais e chamarlle a cada cousa polo seu nome sen intentar alarmar.

Toma a palabra o señor alcalde don **Santiago V. Amor Barreiro** para dicir: Unha pregunta respecto do seu rogo ¿vamos poder usar o termo “facturas de caixón” ou non? pregunto, nada mais.

Continúa dona **Patricia Conde**: Vostede ten a competencia de facer o que queira. Pero non debería, por respecto .

Resposta o señor **alcalde**: ¿Vostede quere que lle minta á cidadanía? Quere que lle diga que vostedes deixaron a economía do concello en perfecto estado ¿quere que digamos iso? ¿Vostedes queren que enganemos á cidadanía, como facían vostedes?

**Preguntas.**

Intervén o concelleiro do grupo municipal do BNG don **Xosé Anxo Doval Rey** para formular as seguintes preguntas:

**Primeira pregunta.-** En relación aos orzamentos do ano 2012, o alcalde se comprometera a que nesta primeira quincena do mes de febreiro estarían rematados para iniciar a súa publicación oportuna e non temos coñecemento diso; quero preguntar a razón, porque non entendemos cales son os retrasos para ter cando menos o proxecto de orzamento

**Segunda pregunta.-** Hai unha obra bastante polémica na parroquia de Covas, proxecto herdado do goberno anterior, teño que dicir que desafortunado, de construción de beirarrúas. A pregunta é ¿non sería posible, dado que estamos en período de aprobar os orzamentos do ano 2012, de que se aprobara cando menos unha segunda fase desa obra que permitira que todas as beirarrúas tiveran o mesmo ancho ao longo de todo o tramo, cuestión que agora non é posible, fundamentalmente porque houbo propietarios que non accederon? E, no seu caso, poñer as condicións para que isto sexa así, e ademais permita que o ancho dende o centro da estrada ate os bordos, tamén sexa uniforme, similar en todo o tramo. Por último, que o material utilizado no tramo de beirarrúa tamén sexa uniforme.

Toma a palabra o señor alcalde don **Santiago V. Amor Barreiro** para dicir:

Non é obrigatorio ter o orzamento a finais de ano, como vostede saberá, porque pode prorrogarse, o fan moitas administracións públicas, pero o concello de Ames pretende ter orzamento, xa que non se puido ter o ano pasado nin o anterior. É difícil pechar o orzamento porque cando hai un descenso de tres millóns de euros en gasto corrente é difícil levar a cabo un orzamento onde se podan seguir mantendo os servizos básicos. Tamén hai que ter en conta que hai que ter un equilibrio e aínda encima ten que ter superávit. Temos aínda mais complicacións, pola situación herdada e pola falta de previsións que se fixeron no pasado, e iso é o que fai que nestes momentos non podamos ter un documento de orzamento pechado. Na primeira quincena do próximo mes se pechará e o saberán os grupos da oposición antes de traelo a este pleno. É intención que veña a aprobación no vindeiro pleno de marzo.

Respecto da pregunta das beirarrúas, tomamos nota a ver se pode ter encaixe no capítulo de inversións do orzamento deste ano.

Intervén a concelleira do grupo municipal do BNG dona **Susana Mallo Redondo** para formular as seguintes preguntas:

**Terceira pregunta.-** Eu entendo que o labor que facemos é, en primeiro lugar, exercer o noso dereito á discrepancia. En segundo lugar, a nosa obriga é facer ver aquilo que no noso xeito de concebir este concello poda mellorar a súa xestión en ben dos veciños, por tanto me gustaría que o concelleiro don Bernardo Moar así o entendese. Súmome ás felicitacións a todas as persoas que él mencionou aquí, que ben as merecen, por un traballo que sen dúbida foi inxente e non é cuestionable.

Tamén, dicindo isto, non dubido que os comerciantes e hosteleiros próximos ao aparcadoiro estiveran contentos, porque de feito foi unha xornada moi dinámica, pero tamén teño que facer chegar, xa comezando polo mercadillo, o disgusto dos comerciantes que asistiron ao mercadillo dese día, porque agardaban que o luns víspera de festivo fose un día atractivo para o público e din -eu só llo transmito- que

foi todo o contrario, que o que fixo foi escorrentar á xente á festa. Iso é a breve historia deste día, do mercadillo do Milladoiro, o ano que ven será en Bertamiráns, pero iso é unha breve historia do acontecido no Milladoiro. Se verá se o mercadillo esmorece, e digo isto porque, como ben sabe o concelleiro, polo lugar onde eu vivo teño a oportunidade de observar se o mercadillo vai ben, non me paso por alí, eu vou todas as semanas e observo, porque como veciña que son, preocúpame que ese mercadillo vaia adiante. Recoñézolle a Bernardo Moar a súa posición persoal e o seu empeño en que fora adiante. O mercadillo esmorece e en moi pouco tempo. Por tanto a miña pregunta é ¿que medidas, que políticas, que estratexias, se van levar adiante para recuperar os moitos postos que semana tras semana van caendo? Creo recordar que nesta última semana e na anterior andaban polos 25 postos, das moitas licenzas que se deron, e xa digo que é algo que se percibe, que non nos agrada e que cremos que estamos a tempo, polo pouco tempo que leva funcionando, de tomar medidas. Pregunto ¿hainas? e de habelas ¿cales serían?

Intervén o concelleiro delegado de Comercio, Promoción Económica, Traballo e Turismo don **Bernardo Moar Míguez** para dicir: Tomamos medidas, por suposto. Como xa sei que leva uns anos vivindo no Milladoiro creo que coñece a súa realidade, non tan ben coma min, pero a coñece. Lle dixen ás catro da tarde deste luns ao presidente de ACAPAC, que estaba alí instalado xa que me dixo hoxe ha de ser un bo día: hoxe é ponte, moita xente no Milladoiro fai ponte, aquí vive moito funcionario, moita xente de fóra, moita de Ourense, onde hai grandes carnavaís, de Pontevedra, etc., a verdade é que hoxe eu non conto con que sexa un bo día. Iso foi o que lle dixen o luns ás catro da tarde. Se vostede coñece a realidade do Milladoiro sabe que o luns no Milladoiro, se non fora polo Entroido non habería ninguén. Esa sería a realidade do Milladoiro este luns, de feito algúns que non fallaron nin un só día ao mercadillo, este luns non viñeron.

A situación económica todos sabemos cal é, a grande herdanza Zapatero, os brotes verdes, que o están a sufrir os ambulantes como o resto de empresas e o resto de comerciantes. Este luns é verdade que fallaron bastantes postos, fallaron aproximadamente 20 postos, falo de memoria, teño o listado da policía local no meu despacho, se quere me podo achegar ate alí. Das medidas que se están a tomar saben que o Regulamento incluía que tres faltas seguidas eran motivo de expulsión, co cal onte saíron oito cartas con expulsións e se concederon oito novos postos. Hai xente que ven de lonxe, que non lle compensa, que a situación económica non é bollante. Cando se instalou este mercadillo, que foi cando me adxudicaron o despacho, ao terceiro día de tomar posesión, me puxen a traballar neste mercadillo entre outras cousas. O primeiro que fixen foi mirar o que tiñamos ao redor, os mais cercanos, pero sempre se nos escapan pequenos flecos, e se me escapou que o luns pola mañán hai mercadillo en Baiona, e moitos ambulantes, que incluso veñen a Bertamiráns, eran ambulantes de Pontevedra, e, evidentemente, desprazarse dende Baiona ao Milladoiro supón un custo bastante alto, entón a xente digamos que foi abandoando, con certa lóxica, porque as vendas son as que hai e non estamos en tempos fáciles. Se están tomando medidas e control, igual que se fai co mercadillo de Bertamiráns. A policía local vai controlar e se van producir unhas baixas en breve porque hai postos que teñen moitas faltas. Implementáronse un par de postos mais, e me sigo preocupando polo mercadillo de Bertamiráns e seguireino facendo polo de Milladoiro. Tamén sabemos que estamos no inverno, que fai frío, que o mercado é novo, que é difícil, non leva vinte anos como o de Bertamiráns, como o de Padrón, etc., pero seguiremos tentando que o mercadillo de Milladoiro vaia arriba, a miña preocupación vai ser absoluta.

Intervén a voceira do grupo municipal do BNG dona **Pilar Candocia Pita** para formular as seguintes preguntas:

**Cuarta pregunta.-** Os grupos políticos coñecemos unha reivindicación dos

traballadores de taxi de Ames respecto da instalación do taxímetro. Saben que eu son usuaria de taxi, ademais non conduzo. A pregunta é se xa se está traballando niso, hai un proxecto de lei que aínda non está aprobado ¿que é o que pensan facer a ese respecto?

**Quinta pregunta.-** Dirixida ao señor García Argibay, respecto do negocio da rúa Pesqueiras xa lle preguntara, e me contestou que había unha paralización. Sen embargo, seguen estando dentro e hai alí un cartel que di que abren o día 9. A pregunta é ¿teñen coñecemento diso e que pensan facer ao respecto?

Toma a palabra o señor alcalde don **Santiago V. Amor Barreiro** para dicir: Con respecto á súa primeira pregunta, eu me reúnin co colectivo dos taxistas e sei da súa preocupación por fixar un criterio respecto das tarifas. Hai unha asociación, uns están e outros non, é un pouco complicado poñelos de acordo. Hai interese por parte do presidente da asociación dos taxistas de Ames, e así mo trasladou, de poder instalar taxímetros, ademais doutras cousas como instalar publicidade. No tema do taxímetro a Xunta de Galicia esta elaborando un regulamento que afecta aos taxistas. Xa estamos traballando con ese borrador para ir dando os pasos para facer o noso tamén, aínda que o que marque a Xunta de Galicia vai ser de obrigado cumprimento para a administración local. Estamos traballando nese documento para que podan ter un taxímetro e así lles sexa mais cómodo á hora de poder cobrarlle ao usuario e aos usuarios que tamén saiban en todo momento, cal vai ser o prezo que se vai cobrar.

Intervén o concelleiro delegado de Persoal, Reforma Administrativa, Servizos e Urbanismo don **Ramón García Argibay** para dicir: Xa o outro día lle comentaba a firma do decreto, xa está comunicado, a paralización se levou en man non sei se onte ou hoxe. Se non fan caso impoñeremos unha multa coercitiva e a partir de aí as medidas que correspondan.

Intervén a concelleira do grupo municipal socialista dona **Carmen Fraga Crespo** para formular as seguintes preguntas:

**Sexta pregunta.-** ¿Por que os semáforos da zona urbana de Bertamiráns están algúns apagados e outros con intermitencia en ámbar?. Queremos saber se é unha iniciativa do goberno, están estragados ou que pasa, porque hai perigo tanto para os vehículos como para as persoas.

**Sétima pregunta.-** ¿Na parroquia de Transmonte, concretamente nalgunha aldea, xa hai autorización para o enganche do saneamento, e se é así, dende cando?

Toma a palabra o señor alcalde don **Santiago V. Amor Barreiro** para dicir: No concerniente aos semáforos da Av. da Maía, non é intención deste goberno acender ou apagar semáforos, senón que a intención é que os semáforos funcionen, e para que funcionen hai que arranxalos, para o que hai que chamar ás empresas que podan facer ese cometido, xa que aquí no concello agora mesmo non temos o material para arranxalos. Xa no ano 2010 había un contrato cunha empresa de mantemento da rede semafórica, contrato que venceu no ano 2011, non se renovou, creo lembrar que se asinou no 2009 con duración ate o 2010, e o anterior goberno decidiu que o mantemento e as revisións as fixera o persoal do concello, pero non temos o material. Estamos traballando na procura de atopar unha empresa que poda levar o mantemento, como fixo o anterior goberno, porque entendemos que é unha responsabilidade o seu funcionamento e de cara aos peóns e aos vehículos que

transitan por esa calle.

No tocante á parroquia de Transmonte, o concelleiro lle contestará proximamente.

Intervén o voceiro do grupo municipal socialista don **José Manuel Miñones Conde** para formular a seguinte pregunta:

**Oitava pregunta.-** Acerca da radio municipal de Ames, hai ano e medio púxose en marcha o enlace a radiofusión con Ames Radio a través dunhas horas. Nos consta que dende algo mais dun mes xa non se escoita radiofusión.

Toma a palabra o señor alcalde don **Santiago V. Amor Barreiro** para dicir: O miraremos e lle contestaremos. Ten a palabra dona Patricia Conde para formular as súas preguntas.

Intervén a concelleira do grupo municipal socialista dona **Patricia Conde Lois** para formular a seguinte pregunta:

**Novena pregunta.-** Dirixida ao concelleiro don Bernardo Moar, respecto á Feira do comercio que se vai celebrar a primeiros de marzo, sobre a fórmula de colaboración, xa dixo que a organizaban a ACB e AEMI, e a pregunta que tiña previsto facerlle era se está previsto asinar un convenio de colaboración, entendemos que a colaboración é de material, de persoal, e de asistencia.

Intervén o concelleiro delegado de Comercio, Promoción Económica, Traballo e Turismo don **Bernardo Moar Míguez** para dicir: Levamos meses traballando e si, se asinará un convenio.

E non habendo mais asuntos de que tratar o señor alcalde presidente dou por rematado o acto e levantou a sesión ás vinte e dúas horas e corenta e cinco minutos do día 23 de febreiro de 2012, de todo o que eu como secretaria certifico.

Vº Prace

A secretaria

O alcalde